

Սույնով ՀՀ քաղաքացի Արա Արմենի Մարությանը (անձնագիր՝ AU0560742, տրված 23.12.2021թ., 005-ի կոդմից, հաշվառման հասցե՝ ՀՀ, Սյունիքի մարզ, ք. Մեղրի, Կարճևան 1 փ., 1 նրբ., 2 տուն (այսուհետ՝ «Լիազորող»), լիազորում է ՀՀ քաղաքացիներ, Հայաստանի Հանրապետության փաստաբանների պալատի անդամներ Վահագն Հովհիկի Գրիգորյանին (փաստաբանական գործունեության արտոնագիր № 1413), Մարգարիտա Սևադայի Ղազարյանին (փաստաբանական գործունեության արտոնագիր № 2615) և Անի Բենիկյի Մկրտչյանին (փաստաբանական գործունեության արտոնագիր № 2226)։

1) Լիազորողի անունից որպես ներկայացուցիչներ հանդես գալ ՀՀ դատական համակարգի բոլոր առարկաների դատարաններում՝ առաջին ատյանի ընդհանուր իրավասության դատարաններում, մասնագիտացված դատարաններում (այդ թվում՝ ՀՀ վարչական դատարանում, ՀՀ սնանկության դատարանում և ՀՀ հակակոռուպցիոն դատարանում), վերաքննիչ դատարաններում (այդ թվում՝ ՀՀ վերաքննիչ քաղաքացիական դատարանում և ՀՀ վերաքննիչ վարչական դատարանում) և ՀՀ վճռաբեկ դատարանում։

2) Լիազորողի անունից ստորագրել հայցադիմումը, ներկայացնել հակընդդեմ հայց, կնքել արբիտրաժային համաձայնություն և տալ վեճն արբիտրաժ հանձնելու վերաբերյալ համաձայնություն, ամբողջովին կամ մասնակիորեն հրաժարվել հայցապահանջներից, ամբողջությամբ կամ մասնակիորեն ընդունել հայցապահանջները, փոխել հայցի առարկան և հիմքը կամ դրանցից յուրաքանչյուրը, կնքել հաշտության համաձայնություն, կնքել հաշտարարության վերաբերյալ համաձայնություն, Լիազորողի անունից մասնակցել արտոնագրված հաշտարարի մասնակցությամբ հաշտարարական գործընթացին, լիազորություններն այլ անձի փոխանցել (վերալիազորում կատարել), ստանալ Լիազորողին ուղղված դատական ծանուցումները և բոլոր դատավարական փաստաթղթերը, բողոքարկել դատական ակտերը, ներկայացնել կատարողական թերթ տալու վերաբերյալ դիմում և ստանալ կատարողական թերթը։

3) Լիազորողի անունից մասնակցել սնանկության վարույթներին, ներկայացնել Լիազորողին սնանկության կառավարիչների և սնանկության վարույթի այլ մասնակիցների հետ հարաբերություններում, մասնակցել պարտատերերի ժողովներին, սնանկության վարույթների ընթացքում իրացնել այն բոլոր իրավունքները, որոնք պատկանում են Լիազորողին։

4) դատական ակտի հարկադիր կատարման փուլում Լիազորողի անունից հանդես գալ դատական ակտերի հարկադիր կատարումն ապահովող մարմնում, մասնակցել կատարողական վարույթներին՝ բոլոր այն իրավունքներով, որոնք պատկանում են կատարողական վարույթի կողմին (այդ թվում՝ կնքել հաշտության համաձայնություն, հայտնել բացարկներ, ստանալ Լիազորողին ուղղված որոշումները/ծանուցումները և բողոքարկել հարկադիր կատարողի գործողությունները)։

5) դատական ակտի հարկադիր կատարման փուլում Լիազորողի անունից ներկայացնել կատարողական թերթ (ինչպես նաև՝ կատարողական մակագրության թերթ) և հետ վերցնել այն, լիազորությունները փոխանցել այլ անձի (վերալիազորում), ստանալ բռնագանձված գույքը և/կամ դրամը, բողոքարկել հարկադիր կատարողի գործողությունների դեմ։

6) Լիազորողի անունից դիմել բոլոր պետական և տեղական ինքնակառավարման մարմիններին, ինչպես նաև՝ առևտրային և ոչ առևտրային իրավաբանական անձանց՝ ցանկացած տեսակի տեղեկատվություն և փաստաթղթեր ստանալու պահանջով և ստանալ այդ տեղեկատվությունը և փաստաթղթերը։


7) Լիազորողի անունից ներկայացնել և ստանալ փաստաթղթեր։

8) ստորագրել Լիազորողի անունից և կատարել ցանկացած գործողություն, որը կապված է վերը նշված լիազորությունների հետ։

9) Լիազորողի անունից դիմումներ ներկայացնել բոլոր պետական և տեղական ինքնակառավարման մարմիններին, նրանցից ստանալ պատասխաններ և մասնակցել ցանկացած տեսակի վարչական վարույթներին։

Սույն լիազորագիրը տրվում է 3 (երեք) տարի ժամկետով։

Լիազորող



Արա Արմենի Մարության